



Ho Batlana Le Moya Wa Hwetla

- ✎ Mosa Mahlaba
- 👤 Selina Masego Morulane
- 💬 Tseliso Masolane
- 💬 Sesotho
- 📊 Level 4





Moya wa Mariha o se o fetile. Hwetla e a tla motseng wa Naledi. Haufinyane baahi ba tla bokana ho keteka sehla se setjha. Naledi o ne a ikemiseditse ho bona mokete wa Hwetla ho feta letsatsi lefe kapa lefe la selemo.



Hoseng ho hong ho futhumetseng, Naledi a utlwa
baahi ba babedi ba baholo ba bua ka mokete.
“Batloung ba lahlehetswe ke moya wa ho keteka,” e
mong a rialo.



Naledi o ne a tshwenyehile. “Letsatsi le tla tjhaba hape jwang ka ntle le hore re bine re le tsose borokong ba lona ba mariha?” Naledi a ipotsa.



Baholo ba ile ba fa Naledi kananelo ya bona ka leeto la hae. Ba ile ba mo fa mokotla hore a tshele dintho tseo a neng a tla di fumana. Naledi o ne a tshohile, empa a dumela hore o tla atleha.



Naledi o ile a tsamaya letsheare lohle. O ne a nyoloha thajana, le ho thehela phuleng. O ile a sesetsa nokeng e kgolo, mme a hlwella mafika. O ile a tsamaya hodima dihlaba ho fihlela a fihla moriting wa dithaba tse kgubedu.



Ha shwalane e tshwara, Naledi o ile a fihla motseng wa dipaterone le mebala eo a neng a so e bone. O ile a bolella baholo ba motseng ka leeto la hae. Mme wa setjhaba sena o ile a fa Naledi mpho.



Naledi o ile a tsamaya letsatsi lohle, merung e fapaneng ya difate tse kgolohadi. Ha ho se ho phirima, o ile a utlwa modumo wa dikupu. O ile a potlakela moo modumo wa dikupu o tswang teng, a utlwa moya wa ho tjeka o fihlela maoto a hae a kgathatseng.



Naledi o ile a iphumana a le motseng wa Taung. Batho ba ne ba dutse ho potoloha mollo, ba letsa dikupu ebile ba bina. O ne a so utlwe mmmino o monate jwalo haesale. O ile a bolella baholo ba motseng ka leeto la hae la ho kgutlisa moya wa ho keteka bathong ba habo. Bataung ba ile ba mo mema hore a phomole mme a robaletse.



Hoseng morena a bitsa Naledi. “Ngwanaka,” a rialo, “nka sekupu se ikgethang ke sena. Se bapala pina e ntjha ka nako tsohle ha o se letsa.”



Letsatsing la boraro la leeto, a feta tshimo e nang le dikgomo tse nonneng. Monko o ile wa tsikinyetsa dinko tsa hae a ba a kolla mathe ka hanong. O ile a sala monko morao, a ba a fihla motseng moo batho ba neng ba eme ba phehile. Morabe ona o ne o tumme ka mekete mme Naledi o ne a so ka a latswa dijo tse monate jwalo. Kamora hore a je, o ile a bolella baholo ba motse ka leeto la hae.



Tsatsi le latelang, lekgotla la diphehi la mo fa motswako wa senoko sa sephiri.



Ha a fihla hae baahi ba ile ba mo bokanela ho utlwa ka dikenkeng tsa leeto la hae. O ile a ba bolella dipale tsa dintho tseo a di boneng, tseo a di utlwileng, le tseo a di jeleng.



Storybooks South Africa

global-asp.github.io/storybooks-southafrica

Ho Batlana Le Moya Wa Hwetla

Written by: Mosa Mahlaba

Illustrated by: Selina Masego Morulane

Translated by: Tseliso Masolane

This story originates from the African Storybook (africanstorybook.org) and is brought to you by [Storybooks South Africa](https://global-asp.github.io/storybooks-southafrica) in an effort to provide children's stories in South Africa's many languages.



This work is licensed under a Creative Commons
[Attribution 4.0 International License](https://creativecommons.org/licenses/by/4.0/).